

Dagiti Kalintegan dagiti Nagannak ken dagiti Estudiante Maibatay iti Seksion 504, Paset D ken Dagiti Linteg ken Regulasion iti Hawaii

(Seksion 504/Paset D ti Rehabilitation Act of 1973 ken Dagiti Linteg ken Regulasion iti Hawaii)



Iladawan daytoy a brochure dagiti kalintegan a bigbigen ti linteg ti Pederal ken Estado para kadagiti estudiante nga addaan disabilidad ken dagiti nagannakda wenno tagaaywanda. Ti panggep ti naikuna a linteg ti mangipaay iti patas nga oportunidad iti edukasion para kadagiti amin nga estudiante nga addaan disabilidad.

Dagiti Kalintegan dagiti Nagannak ken Dagiti Estudiante a bigbigen ti Linteg ti Pederal ken Estado:

1. Makipaset ken umawat kadagiti benepisio manipud kadagiti programa iti edukasion para iti publiko nga awanan diskriminasion gapu iti disabilidad ti estudiante.
2. Pakaammuan ti eskuelaan maipapan kadagiti kalintegan dagiti nagannak maibatay kadagiti linteg iti Pederal ken Estado.
3. Umawat iti nasaksakbay a naisurat a pakaammo maipapan iti aniaman a gandat maipapan iti panangbigbig, ebalwasion, wenno no sadino ti pageskuelaan ti estudiante wenno ti probision para iti maitutop a libre nga edukasion pangpubliko ti estudiante.
4. Mangipaay iti pammalubos sakbay nga maitandudo ti eskuelaan ti kaunaan nga ebalwasion nga iramanan ti panangipaay kadagiti eksamen wenno dadduma pay a panangtingiting wenno sakbay ti umuna a panangipaay iti espesial nga edukasion wenno dagiti nainag a serbisio iti estudiante.
5. Ikkan ti estudiante iti gundaway nga umawat iti maitutop nga edukasion pangpubliko. Karaman ditoy ti karbengan a masursuran a kadua dagiti estudiante nga awanan disabilidad iti kasayaatan a pamayan a maitutop para iti addaan disabilidad. Masapul nga iraman ti Departamento dagiti ubbing nga addaan disabilidad iti regular ken kadaywan a pannakaimaton ti edukasion ti Departamento ngem masapul a balbaliwan dayta ti Departamento no makitada a ti panangusar kadagiti kanayonan a ramit ken serbisio ket apektaranna ti panagadal dagiti adda iti regular a panagsursuro. Iramanna daytoy met dagiti kalintegan nga ikkan ti eskuelaan iti serbisio ti pagluganan tapno mairaman ti estudiante iti patas nga oportunidad a makipaset kadagiti aktibidad iti eskuelaan wenno nainag iti eskuelaan nga aktibidad.
6. Maaddaan iti oportunidad kabayatan ti ebalwasion ken iti maulit nga

ebalwasion a makipaset iti panangrebyu iti agdama nga impormasion maipapan iti estudiante ken iti panangammo iti pannakaikari ti estudiante nga addaan disabilidad, makipaset iti pannakaaramid, panangrebyu ken panangbalbaliw iti plano maipapan iti edukasion ti estudiante ken pannakipaset iti panangkeddengmo no sadino ti pageskuelaan ti estudiante.

7. Maaddaan ti interpretasion iti ebalwasion ti impormasion ken iti panggeddeng no sadino ti pageskuelaan ti estudiante maibasar iti nadumaduma a paggapuan ti impormasion. Masapul a kabaruan daytoy nga impormasion tapno makaipaay iti umiso a pannakaawat iti agdama a kasapulan ti estudiante iti edukasion ken masapul a siaannad a maidokumento dagitoy.
8. Masapul a dagiti pasilidad ken serbisio para iti estudiante ket pumada iti maipapaay kadagiti estudiante nga awanan disabilidad.
9. Masapul nga addaan ti estudiante iti patas nga oportunidad a makipaset iti non-academic ken extracurricular nga aktibidad nga isaysayangkat ti eskuelaan.
10. I-eksamen amin a mainaig a record maipapan iti panggeddeng maipapan pannakabigbig, ebalwasion, wenno no sadino ti pageskuelaan ti estudiante.
11. Maaddaan iti suno a nagannak nga apointaran ti Departamento no ti estudiane ket agkasapulan ngem awanen wenno saanen a masapulan ti Departamento no sadino dagiti nagannakna ket kasapulan nga addan tumakder a nagannak wenno mangaywan iti estudiante. Ti suno a nagannak ti mangirepresentar iti estudiante kadagiti amin a banbanag a mainaig iti pannakabigbig, ebalwasion ken no sadino ti pageskuelaan ti estudiante ken iti probision para iti maitutop a libre nga edukasion pangpubliko ti estudiante.
12. Masapul nga iti uneg iti tallo nga aldaw ket ipatulod ti eskuelaan ti surat ti pakaammo maipapan iti berbal nga autorisasion ti Complex Area Superintendent no masuspinde ti ubing iti nalablabes ngem iti sangapulo nga aldaw gapu iti serioso a panangdisiplina iti estudiante, mairaman iti surat ti impormasion maipapan iti pasamak no apay a madisiplina ken ti pormas ti panagapelar.

13. Agbalin a kameng iti timpuyog a mangitandudo iti panagpasada iti relasion ti disabilidad ti estudiante ken ti tignay a nakaigapuan ti pannakadisiplinana a ramanen ti panangbalbaliw ti placement-na iti nalablabes ngem iti agsasaruno a sangapulo nga aldaw wenno dagup dagiti al-aldaw iti makatawen. Masapul a tingitingen ti timpuyog amin nga impormasion a mainaig iti di maitutop a kondukta akaraman ti aniaman a mainaig nga impormasion nga ipaay ti nagannak. Masuspinde ti estudiante no la ket maammuan a ti tignayna ket saan a mainaig iti disabilidadna.
14. Rebbengen ti Departamento nga, no maawatdan ti kiddaw para iti kaso para iti mainaig a pannakabigbig, ebalwasion, wenno no sadino ti pageskuelaan ti estudiante wenno ti probision para iti maitutop a libre nga edukasion pangpubliko, ket pakaammuanda dagiti nagannak nga adda alternative dispute resolution, karaman ti mediation. Ad-adda a maiparegta ti areglo kadagiti kaskaso tapno masolbar dagiti parikut mainaig iti pannakabigbig, ebalwasion, wenno no sadino ti pageskuelaan ti estudiante wenno ti probision para iti maitutop a libre nga edukasion pangpubliko, uray no saan pay a naipila ti kaso para iti panagbista. Ti pannakiareglo ket boluntario ken saan a mausar tapno saanen a mabigbig wenno maitantan ti kalintegan para iti hearing iti kaso.
15. Agkiddaw iti patas a panagbista iti kaso mainaig iti pannakabigbig, ebalwasion, wenno no sadino ti pageskuelaan ti estudiante wenno ti probision para iti maitutop a libre nga edukasion pangpubliko. Kas partido iti panagbista, kalintegan ti nagannak nga ipakaamo kenkuana ti Departamento ti petsa ti pannakaipaay ti panggeddeng ken ti proseso ti panaggpili para opisial iti patas a kaso. Kanayonanna, dagiti nagannak ket mabalina a kaduaen ken balakadan ti mamalbalakad ken maitandudo ti panagbista iti oras ken lugar a kombiniente. Dagiti kiddaw para iti panagbista ket masapul a makiddaw iti Complex Area Superintendent iti complex area a pageseskuelaan ti estudiante. Ti porma ti kiddaw ket adda iti opisina ti eskuelaan wenno complex area ti estudiante.
16. I-apelar ti panggeddeng ti panagbista iti Korte iti uneg ti tallopulo nga aldaw apaman a maawat ti panggeddeng.

No Kasano a Makaala Kadagiti Kanayonan nga Impormasion
Maipapan iti Awanan-diskriminasion a Kalintegang dagiti Estudiante

Awagan dagiti sumaganad:

- **Ti Principal iti Eskuelaam**
- **Dagiti Opisina iti Distritom:**



Honolulu District

Farrington/Kaiser/ Kalani Complexes733-4940
McKinley/Roosevelt/Kaimuki Complexes733-4977

Central Oahu District

Aiea/Moanalua/Radford Complexes421-4263
Leilehua/Mililani/Waialua Complexes622-6432

Leeward Oahu District

Campbell/Kapolei Complexes675-0335
Nanakuli/Waianae Complexes668-5746
Pearl City/Waipahu Complexes675-0384

Windward Oahu District

Castle/Kahuku Complexes784-5941
Kailua/Kalaheo Complexes784-5940

Hawaii District


Honokaa/Kohala Complexes775-8895
Kealahou/Konawaena Complexes323-0015
Hilo/Waiakea Complexes974-4401
Kau/Keaau/Pahoa Complexes982-4252

Maui District

Baldwin/King Kekaulike/Maui High Complexes ..873-3520
Hana/Lahaina/Lanai/Molokai Complexes553-1723

Kauai District

Kapaa/Kauai/Waimea Complexes274-3504



Ti Seksion 504 Koordineytor ti
Departamento:Sangay ti Maisangangayan a
Suporta
475 22nd Ave., Bldg. 302
Honolulu, Hawaii 96816
Telepono:(808) 305-9806

Maidawat ta idirektam dagiti saludsodmo maipapan awanan-
diskriminasion a gapu iti disabilidad iti HIDEOE iti:

Seksion ADA/504 inquiries
Krysti Sukita, ADA/504 Specialist
Opisina ti Panagannurot ti Sibil a Karbengan
Departamento ti Edukasion iti Estado ti Hawaii
P.O. Box 2360
Honolulu, Hawaii 96804
(808) 586-3322 wenno relay
crco@notes.k12.hi.us

Dagiti saludsod maipapan iti diskriminasion ken/wenno
harassment ket maikamang met iti Opisina ti Sibil a
Karbengan, Departamento ti Edukasion iti Estados Unidos.

Dagiti Kalintegang dagiti Nagannak ken dagiti Estudiante Maibatay iti Seksion 504, Paset D ken Dagiti Linteg ken Regulasion iti Hawaii



Sangay ti Maisangangayan a Suporta
Departamento ti Edukasion • Estado ti Hawaii
RS 17-1183, Mayo 2018 (Rev. of RS 14-1409)